

# ԱՐՁԱՆԱԳՐՈՒԹՅՈՒՆ 01

Հայաստանի Հանրապետության Արագածոտնի մարզում 2017թ. մայիսի

17-ին ժամը 12:00-ի կայացած մարզխորհրդի նիստի

Մասնակցում էին՝

Դ. Լորյան

ՀՀ ՏԿԶՆ նախարար

Գ. Գյոզայան

ՀՀ Արագածոտնի մարզպետ

Արագածոտնի մարզպետարանի աշխատակազմը, կառուցվածքային ստորաբաժանումների ղեկավարներ, Արագածոտնի մարզի համայնքների ղեկավարներ

## Օրակարգ

1. Մարզի համայնքների բյուջեների կատարման և սեփական եկամուտների հավաքագրման գործընթացի մասին /զեկ./ մարզպետարանի աշխատակազմի ֆինանսական և սոցիալ-տնտեսական զարգացման վարչության պետ Ա. Ավետիսյան/:
2. Համայնքների զարգացման 5-ամյա ծրագրերի ընթացքի մասին /զեկ./ մարզպետարանի աշխատակազմի զարգացման ծրագրերի բաժնի պետ Ի. Բարսեղյան/:
3. «Մաքուր Հայաստան» ծրագրի շրջանակներում ՀՀ Արագածոտնի մարզպետի կողմից ստեղծված հանձնաժողովի կատարած և կատարելիք աշխատանքների մասին /զեկ. մարզպետի տեղակալ Մ. Աբգարյան/:
4. Գյուղատնտեսության ոլորտի ընդհանուր աշխատանքների և ծրագրերի մասին/զեկ. գյուղատնտեսության և բնապահպանության վարչության պետ՝ Յու. Ազատյան/:
5. Միջպետական և հանրապետական ճանապարհների հարակից տարածքներում գտնվող շինությունների օրինականության վերաբերյալ /զեկ./ քաղաքաշինության վարչության պետ Ա. Դավայան/:
6. Հայտարարություններ այլ հարցեր:

Մարզի համայնքների բյուջեների կատարման եւ սեփական եկամուտների հավաքագրման գործընթացի մասին զեկուցեց մարզպետարանի աշխատակազմի ֆինանսական եւ սոցիալ-տնտեսական զարգացման վարչության պետ Ա. Ավետիսյանը: Նա ասաց, որ ինչպես 2016 թվականի ողջ ընթացքում, այնպես էլ տարեկան ամփոփիչ տեղեկագրերով՝ սեփական եկամուտների հավաքագրումը գերազանցել է 100 %-ը, որի արդյունքում մարզը առաջինն է եղել հանրապետությունում:

Գործընթացը նույն հաջողությամբ շարունակվում է նաեւ այս տարի: 2017 թվականի մայիսի 1-ի դրությամբ սեփական եկամուտների հավաքագրվել է 236 միլիոն 165 հազար դրամ՝ կազմելով 19,6 %: Նախորդ տարվա նույն ժամանակաշրջանի համեմատությամբ ավել է հավաքագրվել մոտ 16 միլիոն դրամ: Այդուհանդերձ, նա առանձնացրեց այն համայնքները, որոնց մոտ սեփական եկամուտների հավաքագրումը չի գերազանցում 10%:

Քննարկվեց նաեւ համայնքների զարգացման 5-ամյա ծրագրերի մասին հարցը: Զարգացման ծրագրերի բաժնի պետ Իշխան Բարսեղյանի տեղեկացմամբ՝ մարզի բոլոր՝ 114 համայնքներն էլ կազմել եւ հաստատել են իրենց զարգացման ծրագրերը: Ներկայումս համայնքների հետ վերանայվում են ծրագրերը՝ դրանք ավելի շահավետ դարձնելու նպատակով: Կառավարության կողմից արդեն իսկ հավանության է արժանացել ներդրումային 5 ծրագիր, իսկ 1 ծրագրի ֆինանսավորման գործընթացը սկսվել է:

Մարզպետի տեղակալ Մուշեղ Աբգարյանը խոսեց ,, Մաքուր Հայաստան,, ծրագրի շրջանակում իրականացվող աշխատանքների մասին: Նշվեց, որ մարզպետի կազմակերպմամբ ստեղծված է հանձնաժողով, որը համակարգում է համայնքներում, մարզային եւ պետական նշանակության ճանապարհների հարակից տարածքներում իրականացվող մաքրման աշխատանքները: Մայիսի 6-ին կազմակերպվել է մարզային շաբաթօրյակ, իսկ մայիսի 27-ին մարզը կմասնակցի համապետական շաբաթօրյակին:

Ներկաները տեղեկացան նաեւ գյուղատնտեսական ոլորտում իրականացված աշխատանքների եւ ծրագրի մասին, անասնազխականակների հաշվառման, պատվաստումները ըստ ժամանակացույցի իրականացնելու, պարարտանյութերի խմբաքանակների բաշխման, հակակարկտային կայանների, ոռոգման խնդիրների վերաբերյալ:

ՏԿՁ նախարար Դավիթ Լոքյանն իր խոսքում շնորհակալություն հայտնեց մարզպետին եւ համայնքների ղեկավարներին՝ սեփական եկամուտների հավաքագրման գործընթացը լավագույնս կազմակերպելու համար, ինչի արդյունքում մարզի ցուցանիշներն առավելագույնն են եղել հանրապետությունում: Այս տարվա ամփոփագրերը վկայում են, որ նույն միտումը շարունակվում է նաեւ այս տարի: Նախարարը նշեց, որ սա կարելու գործոն է համայնքների համար, քանի որ կառավարության նոր մոտեցումն այնպիսին է, որ գումարների հատկացումները կատարվելու են՝ հաշվի առնելով հենց սեփական եկամուտների կատարման գործոնը:

Նախարարը առանձնակի կանգ առավ կրթության եւ առողջապահության ոլորտներում առկա հիմնախնդիրներին, նշելով, որ այս ուղղությամբ մարզի ղեկավարությունը հետեւողական աշխատանք է տանում, սակայն անելիքները դեռ շատ են: Այդ կապակցությամբ նախարարը տվեց հանձնարարական՝

**15 օրվա ընթացքում ֆինանսական մոնիտորինգ անցկացնել կրթական և առողջապահական ոլորտներում և արդյունքները ներկայացնել ՏԿՁ:**

Քննարկված հարցերն ամփոփեց մարզպետ Գաբրիել Գյոզալյանը: Նա ներկայացրեց ,,Մաքուր Հայաստան,, ծրագրի շրջանակում արված եւ անելիք աշխատանքները, խոսեց համայնքների բարեկարգման, զարգացման իրատեսական ծրագրերի կազմման անհրաժեշտության եւ այլ հարցերի մասին: Անդրադառնալով կրթության եւ առողջապահության ոլորտներին, մարզպետը նշեց, որ դրանք իրենց ամենօրյա ուշադրության ներքո են: Պարբերաբար ուսումնասիրություններ, մոնիտորինգներ են կատարվում, համակարգի ղեկավարների հետ կազմակերպվում են քննարկումներ, տրվում են հանձնարարականներ:

Մարզխորհրդի նիստն ավարտվեց նախարարին եւ մարզպետին ուղղված՝ համայնքնապետերի հարցերով, որոնց տրվեցին սպառիչ պատասխաններ եւ պարզաբանումներ:

**«Արագածուրնի մարզպետ»**



**Գ. Գյոզալյան**